


New India Assurance a presenta Personahenan Calender 2008



ORANJESTAD (AAN): Den fin di siman cu a pasa, señora Joy Raghunath, Directora di New India Assurance a presenta e diesdos personahe di e calender di

2008. Celebrando e di diez año consecutivo di su calender special, e empresa di seguro a malcria invitadonan cu un show multidisciplinario di kita sombre.

The Entertainment Group bao di guiya di Sr. Eric Jan Eman a transforma e ballroom di Renaissance Convention Center den un teatro contemporaneo cu a duna lugar pa un intercambio extravagante, excitante y conmovedor di baile expresivo riba canto y declamacion combina cu animacion viual colorido y interesante proyecta riba un pantaya grandi.

E año aki cada personahe di e calender di New India Assurance ta representa pa un SoulPainting combina cu un poema. Na prome luga cada personahe a duna su mes na un proceso cu di forma humoristico Sr. Edwin Abath a yama: "coba den nos alma".

Despues di a "absorbe" e personahe atraves di varios conversacion y un serie di portret, e artista ta expresa loke el a percibi di forma visual di e pintura y na palabra den un poema pa duna e personahe un spiel pa e wak su mes aden. Asina e personahe ta haya un bista completamente nobo riba su bunitesa y e lus di su potencial, haciendo di henter e proceso un herment emocional, mental y spiritual pa e persona reconose y sigui

desaroya su donan y abilidadnan cu ta originalmente unico pa cada hende.

Durante su speech di apertura Señora Raghunath a expresa: "E SoulPainting y poema ta enfoca y drama lus riba facettanan y dimensionnan bunita cu ta radia for di den cada persona. Facettanan y dimencionan cu nos por percibi atraves di nos intuicion, atraves di e enlase cu Divinidad cu cada ser



humano ta representa. Mi ta percibi cu awenochi nos lo logra alcanza di sinti e union di ken nos ta: ser humano amoroso, Arubiano orguyoso, no pa loke nos tin, sino pa e potencial cu ta biba den cada un di nos. E potencial di por ta un miho hende awe di loke nos tabata avera, e potencial di disfruta di ta parti di progreso di nos pais, e potencial di celebra bida di tal forma cu e alegría y cariño netamente Arubiano

por manifesta su mes mas cu nunca riba nos duhi isla. Alavez Señora Raghunath a gradisi prensa y desea coleganan den medio di comunicacion tur e energia necesario pa ejercer periodismo cu elegancia y clase pa sigui educa nos pueblo, pa spierta conscientisacion mas alto, pensamiento progresivo y e

Sigui lesa Pg. 42

Continuacion pagina 41



realisacion cu tur hende den comunidad Arubiano tin mester di otro pa hunto edifica nos pais. E obra multidisciplinario di e anochi tabata titula: "Ta". Na Ingles e ta tradusi den "Be",

den sentido di: "Be the best you that you can be", cual ta loke Señora Joy Raghunath ta considera cu e 12 personahenan di calender ta haci. Manera e Directora dje prestigioso compania di



—Caresse Isings—



seguro mes a bisa: "E personahenan di nos calender ta laga nos corda cu bo por TA ken bo kier ta, cu Forsa Divino TA na alcanse di nos tur pa por realisa nos soñonan, nos deseonan, nos donnan, nos potencion". E personahenan di calender pa aña 2008 ta: Señora Olga Bukley Zaandam como escritora, poeta y contado di cuenta, Sr. Eric Jan Eman como fundador di Caribbean Sea Jazz Festival, Zoëy van Nie como escritora hoben di dies aña so, Sr. Frederick Tromp como fundador di North Steel Orchestra, Srta. Angela Lie A Lien como ganadora di torneo di Kendo di America Central y Caribe, Sr. Edwin Abath como cantante, Señora Giolina Henriquez como poeta y pintora, Sr. Jonathan Viera como pianista, Señora Lydia Emerencia como dinamico rector di Universidad di Aruba, Sr. Wally Warning



como musico, Sr. Eric Tehong como compositor y documentador di musica di Aruba y Sr. Peter Balliere como fundador di Clown Doctors na Aruba. Aparte di e echo cu Sr. Balliere a merece un lugar special riba e calender ya cu danki na su esfuersonan estancia den hospital ta bira mas plaser pa nos muchanan. New India Assurance ta dedica e donacion anual na e organizacion Clown Doctors, pa nan tambe por sigui: "TA!" Despues di entrega di e donacion Señora Raghunath a presenta un invitado special. Sr. Wally Warning kende tambe ta riba e calender ta originalmente di Rancho y a krese den Dakota. Awe e ta musico sumamente exitoso na Alemania na unda siman pasa diaranson mes el a duna un concierto excitoso y tambe el a toca pa un publico di mas cu 100.000 persona na Rusia. Sr. Warning ta representa nomber di nos isla di forma espectacular cu su musica di energia tierno cu ta toca tur curason y pa clausura e show el a toca su guitarra y canta entre otro su hit Europeo "CaraCara", y e cancion sumamente encantador y prometededor cu el a caba di lansa riba mercado na Europa: "Mi kier

un Amor." Sr. Warning tin un animacion humoristico riba youtube.com bou di e cancion yama "Monkey" cual ta masha gusta especialmente bou di hobebnan na Alemania. Tambe por surf riba e direccion wallywarning.de pa mas informacion tocante un Arubiano exitoso cu a sa di kibra hero cu man pa a logra di ta asina exitoso na Alemania. Na final di e show di e anochi wowonan di tur personahe di calender a keda lombra di encanto y tur otro invitado tambe a disfruta masha di e calor y energia di unidad di curason cu a reina durante di e celebracion. Na final Señora Raghunath a gradici tur trahador di New India Assurance pa ta practica 'the art of being smart' pa e empresa por sigui brinda un bon servicio na comunidad di Aruba. Tambe e ta gradisi tanto Caresse Isings pa a traha e SoulPainting-nan cu nan poema y pa crea y produci e obra di e anochi, como Ryan Oduber pa su bunita creacion di e animacion visual y tambe e bailadonan Lisbel Pop, Rodney Geerman y Jade Padron kendenan a sa di interpreta nan propio choreografia cu un agilidad yen di pasion intenso.